

K

1594  
2094

7.544

№ 1395


2

ჯანსი 10 კაპ.

პრეტორებო ყველა ქვეყნისა, შერთდით

საბჭოთა კავშირში მზრუმელ ეზრავლთა  
მიწათმომწყოზი საკავშირო საზოგადოება  
(„მემეს“-ი)

# რა არის მემეს-ი



საქართველოშ მემეს-ი

2016



სპეც-2000  
ფინანსების მინისტრის  
სამსახურისთვის

ა. ფ. მისანიკოვის სახელობის სტამბა გამზ. „ზარია ფოსტოვა“-სი  
შეკვ. № 1799. მთავლიტი № 1286 ტირაჟი 3000

13.950a

385.356 (= 924) (47-4)

117.544  
2

მხრომელ ებრაელთა მდგომარეობა მეფის დროს.

მეფის მთავრობა—კაპიტალისტების და მემამულეების მთავარობა, ჩაგრავედა ყოფილი რუსეთის იმპერიის ყველა ეროვნების მშრომელებს. განსაკუთრებით სდევნიდა იგი ეროვნულ უმცირესობათა მშრომელებს: უკრაინელებს, ბელორუსებს, პოლონელებს, სომხებს, ებრაელებს და სხ.

ეროვნულ უმცირესობიდან უფრო სასტიკ ჩაგვრას განიცდიდენ მეფის დროს მშრომელი ებრაელები. მათ ყოველნაირად ავიწროვებდა და ზღუდავდა მეფის მთავრობა.

მეფის მთავრობამ ებრაელებისათვის შემოიღო ეგრეთწოდებული „ბინადრობის ფარგალი“, ე. ი. მათ საცხოვრებლად გამოჰყო მრეწველობის მხრით ჩამორჩენილი რამდენიმე რაიონი, სადაც ებრაელებს გასაქანი არ ქონდათ და იძულებული იყვნენ ლატაკურად და ნახევრად მშვივრად ეცხოვრათ. ამ „ფარგალს“ იქეთ ებრაელებს, გარდა ფაბრიკანტებისა, ვაჭრებისა და ზოგიერთი სხვა პრივილეგიური ჯგუფისა, უფლება არ ჰქონდათ ეცხოვრათ, თუნდაც დროებით. „ბინადრობის ფარგალშია“ ებრაელებს არ შეეძლოთ ეცხოვრათ სოფლად. ფაბრიკა-ქარხნებსა და სოფლის მეურნეობაში ხომ მათ თითქმის სრულიად აკრძალული ჰქონდათ მუშაობა. ამ მხეცური ნაციონალური პოლიტიკის მეოხებით ებრაელი მასების ეკონომიური ცხოვრება სრულიად დამახინჯებული

იყო. სამრეწველო მხრით ჩამორჩენილ „ბინადრობის თარგალში“ მომწყვდეული ებრაელი მასები იძულებული იყვნენ შესდგომოდნენ, უმთავრესად, ვაჭრობას—მეტწილად წვრილ ვაჭრობას, შუამავლობას და შინამრეწველობას. სტატისტიკური ცნობებით, მეფის დროს ებრაელთა მოსახლეობის 35 პროც.-ს შეადგენდნენ ვაჭრები, უმთავრესად წვრილი ვაჭრები, 23 პროც. შინამრეწველები და ხელოსნები, 19 პროც. დეკლასიური ელემენტები; მუშა-მოსამსახურეები (ერთად)—26 პროც., გლეხები კი—2 პროც. ამ ციფრების მთელი მნიშვნელობის გასაგებად საკმარისია აღვნიშნოთ, რომ ებრაელი მასების მეზობლიდ მცხოვრებ არაებრაელ მოსახლეობაში ვაჭრები და შინამრეწველები სულ შეადგენდნენ 12,2 პროც., ე. ი. თითქმის ხუთჯერ ნაკლებს.

ებრაელი მასების ეკონომიური მდგომარეობა რევოლუციის შემდეგ.

იშპერიალისტურმა ომმა ძლიერ შეარყია ეს არანორმალური ეკონომიური სტრუქტურაც. მეფის მთავრობამ ღარიბ ებრაელთა საგრძნობი მასები ძალით გადასახლა პოლონეთიდან, უკრაინიდან, ლიტვიდან, ბელორუსიიდან და ლატვიიდან. უკრაინასა და ბელორუსიაში თეთრგვარდიელთა ბანდებმა ააწიოკეს და გაჟლიტეს ებრაელები: მოკლული იქმნა 200 000-მდე ებრაელი და 300.000 მეტი ობოლი დარჩა. ამის გამო ღარიბი ებრაელები მეტად მძიმე მდგომარეობაში აღმოჩნდნენ.

ოქტომბრის რევოლუციამ ბოლო მოუღო მშრომელ ებრაელთა პოლიტიკურ უფლებებობას—ისინი უფლებრივად გაუთანასწორდნენ ყველა მშრომელს. საბჭოთა ხელისუფლებამ მიიღო ზომები ღარიბ ებრაელთა

ეკონომიური მდგომარეობის გასაუმჯობესებლად. ჯერ კიდევ 1918 წელს რ. კ. პ. (ბ) ებრაულმა სექციებმა და ებრაელების საქმეთა კომისარიატმა, რომელიც ეროვნებათა სახალხო კომისარიატთან არსებობდა, მთელი რიგი ღონისძიებანი დასახეს იმისათვის, რომ ღარიბ ებრაელები შედგომოდენ მიწათმოქმედებას. მშრომელ ებრაელების ჩაბმას სოფლის მეურნეობაში დიდ მნიშვნელობას აძლევდა ამხ. ლენინი. რ. კ. პ. (ბ) ცენტრალურმა კომიტეტმა, ებრაელების საქმეთა კომისრის—ამხ. დიმან-შტეინის მოხსენების გამო, „სასურველად სცნო ზომების მიღება ებრაელ მოსახლეობის მიწათმოქმედებაზე გადასვლის წასაქმებლად“. მაგრამ სამოქალაქო ომმა და ებრაელებით დასახლებულ რაიონების ხელიდან ხელში გადასვლამ შეაფერხა ამ მუშაობის გაჩაღება.

1922 წლიდან ებრაელი გლეხები უბრუნდებიან თეთრგვარდიელთა ბანდების მიერ ნახევრად-დანგრეულ ძველ ებრაულ კოლონიებს უკრაინის სამხრეთ ნაწილში; ძლიერდება ღარიბ ებრაელთა ახალი მასების გადასვლა მიწათმოქმედებაზე. მაგრამ ამ მოძრაობას სტიქიური ხასიათი აქვს. იგი მოკლებულია გეგმიან ხელმძღვანელობას, ამიტომ საგრძნობ შედეგებსაც არ იძლევა. ამავე დროს კოოპერაციის და სახელმწიფო ვაჭრობის განვითარება ძირს უთხრის წვრილი ებრაელი ვაჭრების არსებობის წყაროს. ებრაელ შინამრეწველთა საგრძნობი ნაწილი მუშაობს დეფიციტური ნედლეულით, მათ თხოქმის არ მოეპოვებათ მოწყობილობა, ამასთან ბევრს დაბალი კვალიფიკაცია აქვს. სახელმწიფო მრეწველობა, რომელიც სწრაფად ვითარდება, სდენის მათ ბაზრიდან. ახალგაზრდობა თანდათანობით სტოვებს. თავის კერას და რაიმე სამუშაოს საძებრად დიდი ქალაქებისაკენ მიეშურება. მაგრამ

ახალგაზრდობის ის მნიშვნელოვანი ნაწილი, რომელიც დაბებში რჩება, მოკლებულია თითქმის ყოველგვარ შესაძლებლობას გადავიდეს ნაყოფიერ შრომაზე.

როგორ უნდა დავხმარებოდით ღარიბ ებრაელებს, როგორ უნდა გადაგვეყვანა მშრომელი მასები ნაყოფიერ შრომაზე და დაგვეყენებია სოციალიზმის მშენებლობის გზაზე? მაშინ ხომ—6-7 წლის წინად, აღდგენითი პერიოდის დასაწყისში, არ იყო შესაძლებლობა ერთბაშათ აგვეშენებია იმდენი ფაბრიკა-ქარხანა, რომ ყველას ემუშავებია იქ, ვისაც მუშაობა სჭირდებოდა.

**საბჭოთა მთავრობას ღარიბი ებრაელები გადაწყავს მიწათმოქმედებაზე.**

1924 წლის 29 აგვისტოს საკავშირო ცაკის პრეზიდიუმმა დაადგინა მოეწყოს ეროვნებათა საბჭოსთან მშრომელ ებრაელთა მიწათმოქმედობის კომიტეტი. კომიტეტი მოეწყოს საკავშირო ცაკის პრეზიდიუმის წევრის—ამხ. სმიდოვიჩის თავმჯდომარეობით. მშრომელ ებრაელთა მიწათმოქმედობის კომიტეტს დაევალა ზომების მიღება ღარიბ ებრაელთა გეგმიანი გადაყვანისათვის მიწათმოქმედებაზე. კიდევ უფრო ადრე უკრაინის და ბელორუსიის ცენტრალურმა აღმასრულებელმა კომიტეტებმა დაადგინეს—შეუწყონ ხელი ღარიბ ებრაელების გადასვლას სამიწათმოქმედო შრომაზე და მშრომელ ებრაელთა მიწათმოქმედობის საკავშირო კომიტეტის შექმნის შემდეგ მოაწყვეს ასეთივე რესპუბლიკანური კომიტეტები. შემდეგში მშრომელ ებრაელთა მიწათმოქმედობის კომიტეტები მოეწყო უზბეკისტანის ცაკთან და ავტონომიური რესპუბლიკების მთელ რიგ ცაკებთან და საოლქო და საგუბერნიო აღმასკომებთან.



მშრომელ ებრაელთა მიწათმომწყობი კომიტეტი საქართველოს ცაკთან მოწყო შედარებით უფრო გვიან — 1928 წლის დასაწყისში.

ლარიბ ებრაელთა მიწათმომწყობა მოითხოვდა დიდი ძალების მოკრებას და განსაკუთრებული მეთოდების გამოყენებას, რადგან ებრაელთა მასები, ზემოლნიშნულ მიწებების გამო (იმ პოლიტიკის მეოხებით, რომელსაც ატარებდა მეფის მთავრობა მათ მიმართ) წინაღ არასოდეს არ მისდევდენ მიწათმოქმედებას. ამ უმნიშვნელოვანესი ღონისძიებების განსახორციელებლად საბჭოთა მთავრობას მიეშველა საბჭოთა საზოგადოებრივობა, რომელმაც 1925 წლის იანვარში მოაწყო საბჭოთა კავშირში მშრომელ ებრაელთა მიწათმომწყობი საზოგადოება — „მემს“-ი.

მშრომელ ებრაელთა მიწათმომწყობი კომიტეტის და მშრომელ ებრაელთა მიწათმომწყობი საზოგადოების შექმნის შემდეგ მუშაობა ლარიბ ებრაელის ჩასაბმელად სოფლის მეურნეობაში სწრაფად ჩაღდება. საკავშირო ცაკის პრეზიდიუმმა მოიწონა მშრომელ ებრაელთა მიწათმომწყობი კომიტეტის გეგმა სოფლის მეურნეობაში 100 ათასი ლარიბი ებრაელის ოჯახის ჩაბმის შესახებ და სცნო, რომ ამას მოითხოვს როგორც საერთო სახელმწიფოებრივი ინტერესები, ისე მშრომელ ებრაელთა ინტერესებიც.

**მშრომელ ებრაელთა მიწათმომწყობი კომიტეტის და მშრომელ ებრაელთა მიწათმომწყობი საზოგადოების მუშაობის შედეგები.**

თავისი მოღვაწეობის დასაწყისში მშრომელ ებრაელთა მიწათმომწყობმა კომიტეტმა მიწათმომწყობი საზოგადოების დახმარებით ჩაატარა ებრაელთა დაბების





მოსახლეობის ორი რეგისტრაცია იმ მიზნით, რომ გამო-  
ერკვია სამიწათმოქმედო შრომაზე გადასვლის მსურველთა  
რაოდენობა. რეგისტრაციაში გატარდა 40 ათასზე მეტი  
ლარიბი ებრაელის ოჯახი. ასე დიდი იყო ლარიბ ებრა-  
ელთა ლტოლვა ნაყოფიერი შრომისაკენ.

თავიანთი არსებობის 6 წლის განმავლობაში—1924  
წლიდან 1930 წლამდე—მშრომელ ებრაელთა მიწათმო-  
წყობმა კომიტეტმა და მშრომელ ებრაელთა მიწათმო-  
წყობმა საზოგადოებამ, ლენინური ნაციონალური პოლი-  
ტიკის განხორციელებით, საგრძნობ შედეგებს მიაღწიეს.  
ამ ხნის განმავლობაში ცალკე მოკავშირე რესპუბლიკების  
მთავრობებმა ებრაელების მიწათმოქმედებისათვის გამო-  
ჰყვეს 600.000 ჰექტარი მიწა—ბელორუსიაში, უკრაინაში,  
ყირიმში, ჩრდილოეთ-კავკასიაში, ა-კავკასიაში, უზბეკისტა-  
ნში დასხვ. მიწათმოქმედობი კომიტეტის განაწილების მიხე-  
დვით, გეგმიანი წესით გამოყოფილ მიწის ფონდებზე დასა-  
ხლებულ იქნა დაახლოებით 20 000 ლარიბი ებრაელის  
ოჯახი. სხვა სიტყვით, 100 ათასამდე ლარიბი ებრაელი ჩაე-  
ბა სოციალისტურ მშენებლობაში სოფლის მეურნეობის  
ხაზით.

ახალი ებრაელი გლეხები შეუდგენ 300 ათასზე მე-  
ტი ჰექტარი ყამირის და მიტოვებული მიწების დამუშა-  
ვებას. მარტო უკრაინასა და ყირიმში ახლად დასახლე-  
ბულმა ებრაელებმა 1930 წლამდე სათეს ფართობს შეჰმა-  
ტეს 120 ათასი ჰექტარი, რომელიც მანამდე არ მუშავ-  
დებოდა. ახლად დასახლებულთა მეურნეობის ტრაქტო-  
რიზაციამ ისეთ ღონეს მიაღწია, რომ ყოველ 37 მეურ-  
ნეობაზე ერთი ტრაქტორი მოდის. აღრიცხულ 10.000  
მეურნეობაში, რომლებიც ახლად დასახლებულთა ყვე-  
ლა მეურნეობის ნახევარს შეადგენენ, 1929 წელს აკ-

რეფილ იქნა 416.500 ცენტნერი მარცვალი, აქედან დაახლოებით 200 ათასი ცენტნერი გადაეცა სახელმწიფო და კოოპერატიულ დამამზადებელ ორგანიზაციებს. 1930 წლის უკრაინის მარტო სამ ნაციონალურ ებრაულ რაიონში გეგმით უნდა დამზადდეს 500 ათასი ცენტნერი სხვადასხვა კულტურები.

ახლად დასახლებულ მშრომელ ებრაელთა მერქობის სასაქონლო პროდუქციის ღირებულება ჯერ კიდევ 1930 წლის დასაწყისში შეადგენდა 2 მილიონ მანეთამდე უკრაინის და ყირიმის მშრომელ ებრაელების მეურნეობათა 70-80 პროცენტი გაერთიანებულია კოლმეურნეობებში, ზოგიერთი რაიონი კი უკვე მთლიან კოლექტივიზაციას ანხორციელებს.

მშრომელ ებრაელთა მიწათმომწყობი საზოგადოება საქართველოში დაარსდა საქართველოს კ. პ. (ბ) ცენტრალური კომიტეტის ინიციატივით 1927 წლის დამლევს, როცა პარტიისა და საბჭოთა საქართველოს მთავრობის წინაშე მთელი სიმწვავეთ წარმოიჭრა უმთავრესად პატარა ქალაქებში თავმოყრილ რამდენიმე ათეული-ათასი დეკლასიური გალატაკებული ებრაელის ნაყოფიერ შრომაზე გადაყვანის აუცილებლობის საკითხი.

როგორია მშრომელ ებრაელთა მიწათმომწყობი კომიტეტის და მიწათმომწყობი საზოგადოების მუშაობის შედეგები საქართველოში ამ სამი წლის მანძილზე?

პარტიის, მთავრობის, კომკავშირული და პროფესიონალური ორგანიზაციების აქტიური დახმარებით, საქართველოს მშრომელ ებრაელთა მიწათმომწყობი საზოგადოება გიდაიქცა მძლავრ ორგანიზაციად, რომლშიაც 10.000 წევრია. ამათგან პარტიულები შეადგენენ 31 პროც., კომკავშირელები—13 პროც. თუ საქართველოს



მშრომელ ებრაელთა მიწათმომწყობი საზოგადოების არსებობის პირველ თვეებში საზოგადოების არაებრაელწევრებს თითზე ჩამოითვლიდით, ეხლა საქართველოს მემსს-ი ნამდვილი ინტერნაციონალური ორგანიზაციაა, სადაც არაებრაელები 34 პროც. შეადგენენ. საქართველოს მემსს-ს ისეთ პუნქტებშიაც კი აქვს თავისი განყოფილებები და უჯრედები, სადაც სრულიად არ არის ებრაელი მოსახლეობა.

ღარიბ ებრაელთა კოლმეურნეობები მოწობილია როგორც განსახლებულ ებრაელებისაგან (ახალციხე, ვანი, მუხრანი, სუჯუნა, საჩხერე, საგარეჯო, ქუთაისი, ონი), ისე სპეციალურად გამოყოფილ მიწის ფონდებზე (წითელი გორა—კახეთში, ტირიფონის ველი, ქობულეთი). სულ ებრაელთა კოლმეურნეობებში გაერთიანებულია 300 ოჯახი ან 1.500 კაცი.

ძნელი იყო ებრაელთა ნორჩი კოლმეურნეობებისათვის, პირველი ნაბიჯების გადადგმა, ძნელი იყო სამიწათმოქმედო შრომაზე გადასვლა იმ ადამიანებისათვის, რომლებიც ქალაქებში აღიზარდნენ და არ იყვნენ შეჩვეული მძიმე ფიზიკურ შრომას. მაგრამ კოლმეურნეობანი თანდათან განმტკიცდნენ, გაჩნდა ახალი ებრაელი—მიწათმოქმედი, კოლმეურნე-ებრაელი.

### ბირთბიჯანი.

მშრომელ ებრაელთა მიწათმომწყობი კომიტეტის და მიწათმომწყობი საზოგადოების ნაყოფიერმა მუშაობამ და საბჭოთა კავშირის ევროპიულ ნაწილში დასასახლებელი ფონდების სიმცირემ აუცილებელი გახადეს დიდი თავისუფალი ადგილის გამოჩახვა ებრაელთა დასასახლებ-

ლად. ასეთი ადგილი მოინახა შორეულ აღმოსავლეთში—  
ბ ი რ ო ბ ი ჯ ა ნ ი ს რ ა ი ო ნ ი .

საკავშირო ცაკის პრეზიდიუმის 1928 წლის 28 მარტის დადგენილებით ბირობიჯანის რაიონი გადაეცა მიწათმომწყობ კომიტეტს მშრომელი ებრაელების დასასახლებლად და, თუ შესაძლებელი იქნებოდა, ებრაელთა ავტონომიური ადმინისტრაციულ-ტერიტორიალური ერთეულის შესაქმნელად.

ბირობიჯანს უჭირავს 4 მილიონ ჰექტარზე ცოტა ნაკლები სივრცე. ამ ტერიტორიის მოსახლეობა დაახლოვებით შესდგება 38.000 კაცისაგან, ე. ი. ერთ კაცზე მოდის 1 კვადრატულ კილომეტრზე მეტი. ტერიტორიის ბუნებრივი პირობები, როგორც საბჭოთა და უცხოეთის სწავლულთა გამოკვლევებით დადასტურდა, ხელს უწყობენ მიწათმოქმედების და მრეწველობის (ხე-ტყე, მადანი და სხვ.) განვითარებას.

მშრომელ ებრაელთა მიწათმომწყობი კომიტეტის და მიწათმომწყობი საზოგადოების მუშაობის დღიდან სამი წლის განმავლობაში, შეუხედავად ამ რაიონის გამოყენების დიდი სიძნელეებისა, უკრაინიდან, ბოლორუსიიდან და რუსეთის ს.ფ.ს. რესპუბლიკიდან ბირობიჯანში გადასახლდა 3.000 ებრაელი. ახლად დასახლებული მშრომელი ებრაელები, რომლებიც სოფლის მეურნეობას მისდევენ გაერთიანებული არიან სამ მსხვილ კოლმეურნეობასა და ერთ კომუნაში. ამ ხნის განმავლობაში მათ დახნეს 4000 ჰექტარზე მეტი ყამირი, რომელიც საუკუნოების მანძილზე დაუმუშავებლად იყო. 1930 წ. დაითესა 2650 ჰექტარი. კოლმეურნეობებში ფართოდ ვითარდება მებოსტნეობა და მეფუტკრეობა; 1930 წელს კოლმეურნეობებს 1600 სკა ჰქონდათ. 1930 წ. მუშაობას შეუდგა 5 საბჭოთა მეურნეობა:

მარცვლეულის და სოიას საბჭოთა მეურნეობა—75.000 ჰექტარი (1930 წ. დაიხნა 12.000 ჰექტ.); ბრინჯის საბჭოთა მეურნეობა—1.500 ჰექტ., მერძეობის და მებოსტნეობის—15.000 ჰექტ. 2.000 ძროხით; მესაქონლეობის და მეფრინველეობის საბჭოთა მეურნეობა. მუშაობს 11 სამრეწველო არტელი, მათ შორის ავეჯეულობის, სატრანსპორტო, კირის, კუბრის გამომხდელი და სხვ. შენდება 3 აგურის და 1 კრამიტის ქარხანა. შენდება აგრეთვე ხის დამმუშავებელი ქარხანა. სპეციალურ კურსებზე მომზადდა 800 ტრაქტორისტი და მშენებელი ებრაელ ახალგაზრდობიდან. მოეწყო ებრაელთა სამი სოფლის საბჭო. მოქმედობს 4 სკოლა; საბავშვო მოედნები, ბაგები. გაყვანილია ტელეფონის ქსელი ბირობიჯანის მთავარ პუნქტებში. მიწათმომწყობმა კომიტეტმა დამარცვლეულის ტრესტმა ბირობიჯანში გაგზავნა ასზე მეტი ტრაქტორი, სხვადასხვა რთული მანქანები და მოწყობილობა.

### დაბების მახლობლად მოწყობილი კოლმეურნეობანი.

მთლიან ფონდებზე მშრომელ ებრაელთა დასახლებასთან ერთად, დაბებში მცხოვრებ ღარიბ ებრაელებს შორის სწრაფად იზრდებოდა ეგრედწოდებული განსახლება, ე. ი. ღარიბ ებრაელების ჩაბმა დაბების მახლობლად მოწყობილ კოლმეურნეობებში. არსებული ცნობებით, 1930 წელს ასეთ კოლმეურნეობებში გაერთიანებული იყო 25 ათასზე მეტი ებრაელის მეურნეობა: უკრაინაში—დაახლოებით 13 ათასი, ბელორუსიაში—10 ათასი, დასავლეთ ოლქში—1000 და სხ.

## დაბანდებული სახსრები.

მშრომელ ებრაელთა მიწათმომწყობი კომიტეტის და მიწათმომწყობი საზოგადოების მუშაობის ექვსი წლის განმავლობაში ღარიბ ებრაელთა მიწათმომწყობისათვის სახელმწიფო ბიუჯეტის და სასოფ.-სამეურ. კრედიტის ხაზით გაღებულ იქნა 16 მილიონი მანეთი, აქედან სესხის სახით—დაახლოებით 10 მილიონი. ამავ ხნის განმავლობაში მშრომელ ებრაელთა მიწათმომწყობმა კომიტეტმა საგრძნობი სახსრები მიიღო უცხოეთის ებრაელთა ორგანიზაციებისაგან. ეს სახსრები, რომლებიც 20 მილიონ მანეთს აღემატება, მიღებულია გრძელვადიანი კრედიტის საფუძველზე და მეტწილად უცხოეთის ვალიუტის და ნაწილობრივ უცხოეთის მოწყობილობის სახით. უცხოეთის ეს ორგანიზაციები „აგროჯოინტი“ (ჩრ.-ამერ. შეერთებული შტატები), ეკო (საფრანგეთი) და „ორტ ფარბანდ“-ი (გერმანია) მუშაობენ მშრომელ ებრაელთა მიწათმომწყობი კომიტეტის კონტროლის ქვეშ და ჩვენი მთავრობის შესაფერ ორგანოებთან დადებულ ხელშეკრულებათა საფუძველზე.

## რას ამბობენ ბრიგადები.

მშრომელ ებრაელთა მასიური მინაწილეობა სოფლის მეურნეობაში უკვე ფაქტია. მუშების, გლეხების, წითელარმიელების, კომკავშირელების და პიონერების მრავალრიცხოვანი დლეგაციები, რომლებმაც ახლად დასახლებულ ებრაელების ფონდები გამოიკვლიეს, აგრეთვე უცხოეთის მშრომელთა სხვადასხვა დელეგაციები ცხადად დარწმუნდნენ იმ დიდ მიღწევებში, რომლებიც შედეგად მოჰყვა კომპარტიის და საბჭოთა ხელისუფლების ნაციონალურ პოლიტიკას ღარიბ ებრაელთა მასების მიმართ.

მოსკოვის მუშათა და წითელარმიელთა დელეგაციამ, რომელიც არჩეულ იქნა მსხვილ საწარმოთა და წითელი არმიის ნაწილების მრავალრიცხოვან კრებებზე, შემოიარა ბელორუსიის, უკრაინის და ყირიმის ებრაელთა სოფლები. ეს დელეგაცია თავის ანგარიშში სწერს: „ჩვენ დაწვრილებით გავეცანით მიწადმოქმედ ებრაელების ცხოვრებას. მათთან ერთად ვიყავით ყანებში მუშაობის დროს, ვიყავით მათ სახლებში. დავუკვირდით მათ ცხოვრებას, ვნახეთ, როგორ ამუშავებენ ისინი მიწას. დავრწმუნდით, რომ ებრაელი გლეხები ისევე მუშაობენ ყანაში, როგორც საბჭოთა კავშირის ყველა მშრომელი გლეხები. ჩვენ ვნახეთ, რომ ებრაელი გლეხები არ იყენებენ დაქირავებულ შრომას და თვითონ ასრულებენ ყველა სამუშაოს. ჩვენ ვნახეთ, რომ ებრაელი გლეხები დებულობენ აგრონომების რჩევას და კულტურული წესით ამუშავებენ მიწას. მეზობელ არაებრაელ გლეხებს მეგობრული განწყობილება აქვთ ებრაელ გლეხებთან“...

დნებროპეტროვსკის ქარხნების მუშათა დელეგაციაც, ურალის, ხარკოვის, არტემოვსკის და მუშათა სხვა დელეგაციებიც, რომლებმაც დაათვალიერეს ახლად დასახლებულთა ფონდები, ერთსულოვნად აღნიშნავენ ებრაელ გლეხების მნიშვნელოვან მიღწევებს და დიდი კმაყოფილებით მიუთითებენ იმ მეგობრულ ურთიერთობაზე, რომელიც დამყარდა ებრაელებსა და მეზობლად მცხოვრებ არაებრაელ გლეხებს შორის.

**ინტერნაციონალური შემჭიდროება ნაციონალურ რაიონებში.**

საერთო სოციალისტური შრომა საბჭოთა მიწაზე, ლენინური ნაციონალური პოლიტიკის მეოხებით, ინტერ-

ნაციონალურად ამჟიდროებს მშრომელ ებრაელ და არა-  
ებრაელ გლეხებს. ამას განსაკუთრებით ცხადათ ვხედავთ  
მთლიან ფონდებზე დასახლებულ ებრაელთა ნაციონალურ-  
ადმინისტრაციულ რაიონებში: კალინინდორფის, ნოვოზლატოპოლსკის, სტალინდორფის (უკრაინა) და  
ფრაიდორფის (ყირიმი) ებრაელთა ადმინისტრაციული  
რაიონები, ებრაელების ახალშენთა და სოფლებს გარდა,  
აერთიანებენ მათ ტერიტორიაზე არსებულ უკრაინულ,  
გერმანულ და თათრულ სოფლებს.

### ებრაელ მშრომელთა ჩაბმა მრეწველობაში.

1928 წლიდან მშრომელ ებრაელთა მიწათმომწყობი  
კომიტეტის ფუნქციები გაფართოვდა. მას დაეკისრა  
აგრეთვე მუშაობა ღარიბ ებრაელებისა და ებრაელ ახალ-  
გაზრდობის გეგმიანი ჩაბმისათვის მრეწველობაში. მშრო-  
მელ ებრაელთა მიწათმომწყობი კომიტეტის მუშაობამ ამ  
ღარგშიაც მნიშვნელოვანი ნაყოფი გამოიღო. ათეულმა  
ათასმა ახალგაზრდა ებრაელმა დაამთავრა სხვადასხვა  
კურსები და ეხლა ისინი ჩვენს მსხვილ ქარხნებში და  
ახალ მშენებლობაზე მუშაობენ. ამ მუშაობის ფარგლები-  
სა და ხასიათის შესახებ ერთგვარ წარმოდგენას გვაძლე-  
ვენ შემდეგი ციფრები: 1930 წლის აგვისტომდე ცენ-  
ტრალურმა და რესპუბლიკანურმა მიწათმომწყობმა კომი-  
ტეტმა 33.450 კაცი გაგზავნეს სხვადასხვა კურსებზე და  
სასწავლებლებში: 10.400—შრომის ცენტრალური ინსტი-  
ტუტის კურსებზე, 7.300—საბრიგადო სწავლების კურსებ-  
ზე, 10.250—სამრეწველო და სატრანსპორტო სასწავლე-  
ბლებში, 4.500—სეზონურ სამუშაოზე და 1000—სხვადა-  
სხვა კურსებზე. 1931 წ. თებერვალში საფაბრიკო-საქარ-



ზნო სასწავლებლებში და სხვადასხვა კურსებზე გაიგზავნა 6.550 კაცი.

1930 წლიდან ამ მუშაობაში აქტიურ მონაწილეობას ღებულობს მშრომელ ებრაელთა მიწათმომწყოები საზოგადოებაც, რომელიც ყოველწლიურად ეხმარება მშრომელ ებრაელთა მიწათმომწყოებ კომიტეტს მთელ რიგ უაღრესად მნიშვნელოვან ღონისძიებათა განხორციელებაში.

უკანასკნელ წლებში საქართველოს ღარიბი ებრაელებიც მასიურად ებმებიან მრეწველობაში: ახალგაზრდა მშრომელი ებრაელები მუშაობენ როგორც ფაბრიკა-ქარხნებში, ისე შინამრეწველობის არტელებში. ამ მიმართულებით დიდ მუშაობას ეწეოდა და ეწევა საქართველოს ღარიბ ებრაელთა დამხმარე კომიტეტი, რომელიც საქართველოს მშრომელ ებრაელთა მიწათმომწყოებმა საზოგადოებამ—მ.ე.მ.ს.-მა მოაწყო.

**მ.ე.მ.ს.-ი მშრომელთა ინტერნაციონალური ორგანიზაციაა.**

მ.ე.მ.ს.-ი მასიური ნებაყოფლობითი ორგანიზაციაა. ამ ორგანიზაციაში შედიან ყველა მშრომელები განურჩევლად ეროვნებისა, რომელთაც სურთ დაეხმარონ საბჭოთა ხელისუფლებას მისი ნაციონალური პოლიტიკის განხორციელებაში და ხელი შეუწყონ ებრაელი მასების სოციალური სტრუქტურის გაჯანსაღებას და ღარიბი მშრომელი ებრაელების ჩაბმას სოციალისტურ მშენებლობაში.

მ.ე.მ.ს.-ი, როგორც მშრომელთა მასიური ინტერნაციონალური ორგანიზაცია, სხვა საბჭოთა მასიური საზოგადოებრივი ორგანიზაციების მსგავსად, მშრომელთა ფართო მასებს აკავშირებს პარტიასთან და საბჭოთა ხე-

ლისუფლებასთან, ხელს უწყობს ლენინური ნაციონალური პოლიტიკის და სოციალისტური მშენებლობის საერთო და განსაკუთრებული ამოცანებ ისგანხორციელებას მშრომელ ებრაელთა მასების საკეთილდღეოდ; ხელს უწყობს მასების ინტერნაციონალურ აღზრდას და ებრძვის ანტი-სემიტუიზმს, ებრაელთა შოვინიზმს და კლერიკალიზმს.

მემმს-ი ხელს უწყობს მუშა-ხელის მომზადებას და განაწილებას სოციალისტურა მეურნეობის მთავარ და უფრო მნიშვნელოვან დარგებში, აქტიურად ეხმარება მშრომელ ებრაელთა მიწათმომწყობ კომიტეტს და შრომის ორგანოებს ღარიბ და ახალგაზრდა ებრაელების ჩასაბმელად ისეთ სამრეწველო საწარმოებში, რომლებიც დაშორებულია მათ საცხოვრებელ ადგილს, ხელს უწყობს პარტიულ, კომკავშირულ და პროფესიონალურ ორგანიზაციებს კულტურული და პოლიტიკურ-აღმზრდელობითი მუშაობის გასაჩაღებლად მრეწველობაში ახლად ჩაბმულ ებრაელ მუშებს შორის.

მემმს-ი მთელი თავისი ორგანიზაციული და კულტურულ-მასიური მუშაობით ხელს უწყობს ებრაელ გლეხების მეურნეობათა მთლიანი კოლექტივიზაციის განხორციელებას, კულაკობის, როგორც კლასის ლიკვიდაციის მთლიანი კოლექტივიზაციის საფუძველზე, კოლმეურნეობათა გადასვლას კოლექტივიზაციის უფრო მაღალ ფორმებზე, სოციალისტური ყოფა-ცხოვრების განვითარებას, გადამწყვეტ ბრძოლას კულაკურ და ვაქრულ გლეშენტებთან ახლად დასახლებულ ებრაელთა შორის, მშრომელ ებრაელთა მასების ანტირელიგიურ და ინტერნაციონალურ აღზრდას.

მემმს-ი, როგორც საბჭოთა მასიური საზოგადოებრივი ორგანიზაცია მთელ თავის მუშაობას აწარმოებს



პარტიის გენერალური ხაზის საფუძველზე და მისი ხელმძღვანელობით, თავის ამოცანებს უკავშირებს საბჭოთა კავშირის პროლეტარული და მშრომელი მასების წინაშე დასახულ მთავარ ამოცანას—ხუთწლიანი გეგმის ოთხ წელში შესრულებას და სოციალისტური ეკონომიკის საძირკველის დამთავრების ამოცანას, სოცშეჯიბრებას, დამკვრელობას, შემხვედრ გეგმებს და სხ., ხელს უწყობს ბრძოლას ინტერვენციის საფრთხესთან და საბჭოთა კავშირის თავდაცვის უნარის განმტკიცებას, აქტიურ მონაწილეობას ღებულობს მასიურ სამეურნეო-პოლიტიკური კამპანიების ჩატარებაში და სხ.

მემმს-ის წევრთა რიცხვი 1930 წლის დამლევისათვის 300.000 აღემატებოდა, რომელშიც გაერთიანებული არიან 5.000 უჯრედით ფაბრიკა-ქარხნებში, წითელი არმიის და წითელი ფლოტის ნაწილებში, დაწესებულებებში, კოლმეურნეობებში და სხ. მემმს-ის წევრთა შორის მუშები შეადგენენ 31%, არაებრაელები — 45%. ცალკე მოკავშირე რესპუბლიკებში მემმს-ის ორგანიზაციების შემადგენლობა ასეთია: უკრაინაში 300 განყოფილება აერთიანებდა დაახლოებით 200.000 წევრს, რომელთა შორის მუშები შეადგენდნენ 35%, არაებრაელები 41,1%; ბელორუსიაში მემმს-ის წევრთა საერთო რიცხვმა მიაღწია 47.000, მათ შორის მუშები—37,2%, არაებრაელები—29%; რუსეთის ს.ფ.ს. რესპუბლიკაში 37 განყოფილება ართიანებდა 73.000 წევრს, მათ შორის მუშები შეადგენენ — 23%, არაებრაელები — 51,7%. მემმს-ის ორგანიზაციები არსებობენ აგრეთვე უზბეკისტანში (4.000 წევ.), საქართველოში, დაღესტანში და აზერბაიჯანში (10.000 წევრზე მეტი).

მემმს-ი სცემს ჟურნალ „ტრიბუნა“-ს, რომელიც აშუქებს ახალ სოციალისტურ საფუძველზე მშრომელ ებრაელთა ცხოვრების გარდაქმნის საკითხებს. გარდა ამისა მემმს-მა გამოსცა 80 პოპულიარული წიგნაკი მის ამოცანებთან და მუშაობასთან დაკავშირებულ საკითხებზე, ასეთი წიგნაკები 700 ათასი ცალი გავრცელდა.

მემმს-მა მოაწყო ორი ლატარია (პირველი 1 მილიონი ბილეთით და მეორე—ორი მილიონი ბილეთით), რომლებიც დიდი წირმატებით ჩატარდა. მემმს-ის ლატარიის ბილეთები ფართოდ გავრცელდა ფაბრიკა-ქარხნებში, კოლმეურნეობებში და სოფლებში, ორივე ლატარიამ, ბილეთების გასაღების დროს და აგიტაციის და მასიური მუშაობის გაჩაღებით, სახსრებს გარდა, რამდენიმე ათასი ახალი წევრი შესძინა მემმს-ს. 1931 წლის დასაწყისში მემმს-ი შეუდგა მესამე ლატარიის 6 მილიონი ბილეთის გასაღებას.

1928-29 წლის ზამთარში საკ. ა.ლ.კ.კ. ცენტრალურმა კომიტეტმა ჩაატარა ერთთვიური—„კომკავშირი ეხმარება მემმს-ს“. ამ კამპანიამ მემმს-ის რიგებში ჩააბა ათეული ათასი კომკავშირელი (მემმს-ში პარტიის წევრები შეადგენენ 10%, კომკავშირელები 12%). მთელმა რიგმა პარტიულმა კომიტეტებმა—მოსკოვის, ჩრდილოეთ-კავკასიის, ხარკოვის, ნიჟნი-ნოვგოროდის და სხვ. პარტიულმა კომიტეტებმა და პროფკავშირების (მშენებელთა, მკერავთა, ტრანსპორტის, სახვების, ხელოვნების, კომუნალური მეურნეობის, კავშირგაბმულობის და გემო-კვების მუშათა, მეტყავეთა და მბეჭდავთა პროფკავშირების) ცენტრალურმა კომიტეტებმა მიუთითეს თავიანთ ორგანიზაციებს აქტიურად შეუწყონ ხელი მემმს-ს მისი ამოცანების გან-

ხორციელებაში. ბევრ სკოლაში და პიონერთა კლუბებში მოწყობილია „მემს-ის მეგობართა“ უჯრედები.

მემს-ი მუშაობას აწარმოებს ყველა ახლად დასახლებულ ებრაელთა შორის და, თავისი ფინანსიური შესაძლებლობის მიხედვით, ეხმარება განათლების სახალხო კომისარიატს და ჯანსახკომს გაშალონ კულტურულ-სამკურნალო ქსელი ებრაელი მოსახლეობის რაიონებში და დააკმაყოფილონ მათი კულტურული და საყოფაცხოვრებო მოთხოვნილებანი.

რაც უფრო მეტი სახსრები ექნება მემს-ს, მით უფრო მეტად და უკეთ დააკმაყოფილებს იგი ახალ ადგილებში დასახლებულ ებრაელთა საჭიროებას.

მემს-ის ცენტრალური საბჭო დაკავშირებულია უცხოეთის მშრომელთა მთელ რიგ ორგანიზაციებთან, რომლებიც ხელს უწყობენ მშრომელ ებრაელთა მიწათმოწყობას საბჭოთა კავშირში. ასეთი ორგანიზაციები არსებობენ: ჩრ.-ამერ. შეერთებულ შტატებსა და კანადაში—„იკორ“-ი, სამხრეთ ამერიკაში—„პროკორ“-ი, სამხრეთ აფრიკაში—„ხელის შეწყობის ფონდი“, ლატვიაში, დანიაში, შვეიციაში, გერმანიაში, ინგლისში და ავსტრალიაში. ეს ორგანიზაციები, რომლებიც ამერიკის, აფრიკის, ავსტრალიის და დასავლეთ ევროპის მრავალ ათეულ ათას მშრომელს აერთიანებენ, დიდ მუშაობას ეწევიან კაპიტალისტურ ქვეყნებში საბჭოთა ხელისუფლების ნაციონალური პოლიტიკის პოპულიარიზაციისათვის კონკრეტული მაგალითით—ღარიბ ებრაელთა ნაყოფიერ შრომაზე გადაყვანის მაგალითით. ეს ორგანიზაციები მატერიალურ დახმარებასაც უწევენ საბჭოთა კავშირში მშრომელ ებრაელთა მიწათმოწყობის საქმეს: მათ მემს-ის ცენტრალურ საბჭოს ნახევარ მილიონ მანეთზე მეტი გადასცეს.

მემშს-ის ყოველმა წევრმა, საწევრო გადასახადის თავის დროზე შეტანასთან და მემშს-ის ლიტერატურის გავრცელებასთან ერთად, აქტიური სააგიტაციო მუშაობა უნდა გასწიოს მემშს-ის სასარგებლოდ ფაბრიკაში, დაწესებულებაში, სკოლაში, საბინაო ამხანაგობაში, კლუბებში და სხ. მან გადამწყვეტი წინააღმდეგობა უნდა გაუწიოს კონტრრევოლუციონერების, ანტისემიტების და ებრაელ შოვინისტების აგიტაციას, რომელებიც ცდილობენ სახელი გაუტეხონ საბჭოთა ხელისუფლების ნაციონალურ პოლიტიკის. იგი უნდა დაეხმაროს მშრომელ ებრაელთა მიწათმომწყობ კომიტეტს და საბჭოთა ხელისუფლების ყველა სხვა ორგანოებს ღარიბ ებრაელების გადაყვანაში ნაყოფიერ შრომაზე, უნდა შეებრძოლოს ყველა იმათ, ვინც ცდილობს შოვინიზმის და ნაციონალიზმის ელემენტების შეტანას მემშს-ის საქმეში, ყველას უნდა განუმარტოს მემშს-ის ინტერნაციონალური ხასიათი.

მემშს-ის ყოველი წევრი უნდა ცდილობდეს მოაწყოს მემშს-ის უჯრედი იქ, სადაც ის ჯერ კიდევ არ არსებობს და აქტიურ მონაწილეობას უნდა ღებულობდეს მემშს-ის იმ უჯრედის მუშაობაში, რომელზედაც მიმაგრებულია იგი.

მემშს-ის ყოველმა წევრმა მონაწილეობა უნდა მიიღოს ყველა იმ ღონისძიებათა განხორციელებაში, რომლებიც მიმართულია სოციალიზმის აშენებისაკენ საბჭოთა კავშირში და უნდა ახსოვდეს, რომ მემშს-ის საქმე ჩვენი სოციალისტური მშენებლობის ერთ-ერთ დარგს წარმოადგენს.

მემბს-ის წევრი უნდა იყოს დამკვერელი ფაბრიკა-ქარხანაში, საბჭოთა მეურნეობაში, კოლმეურნეობაში, დაწესებულებაში.

მემბს-ის ყოველი წევრის მოვალეობას შეადგენს განამტკიცოს ყველა ეროვნების მშრომელთა ინტერნაციონალური სოლიდარობა და კავშირი.

---

პარლამენტის ერთენლო ბიბლიოთეკა



K 7.544/2